



- POSLANICIMA/ZASTUPNICIMA SKUPŠTINE
ZENIČKO-DOBOJSKOG KANTONA
- VLADI ZENIČKO-DOBOJSKOG KANTONA
- SREDSTVIMA JAVNOG INFORMISANJA/MEDIJIMA
- SLUŽBI ZA ZAJEDNIČKE POSLOVE
- MINISTARSTVU UNUTRAŠNJIH POSLOVA

Broj: 01-01-5299-1/20
Zenica, 08.04.2020. godine

PROTOKOL
ZA ODRŽAVANJE 20. (HITNE) SJEDNICE SKUPŠTINE ZENIČKO-DOBOJSKOG KANTONA
ZAKAZANE ZA 10.04.2020. GODINE U 10,00 SATI
U SALI/DVORANI 301 III SPRAT ANEX-A ZGRADE SJEDIŠTA KANTONA

S obzirom na novonastalu situaciju i donošenje Odluke o proglašenju stanja nesreće uzrokovane pojavom COVID-19 na području Federacije Bosne i Hercegovine (BiH), obavještavamo vas da će se **20. (hitna) sjednica** Skupštine Zeničko-dobojskog kantona, zakazana za dan **10.04.2020. godine**, sa početkom u **10,00 sati**, održati uz obaveznu primjenu odgovarajućih preventivnih epidemioloških mjera u cilju maksimalne zaštite zdravlja svih poslanika/zastupnika Skupštine Kantona i drugih učesnika sjednice, te poštivanja naloženih mjera i naredbi od strane nadležnih organa, (zabrane okupljanja većeg broja osoba na jednom mjestu, primjenu mjere socijalne distance odnosno obaveznog razmaka između osoba od minimalno 1,5 metra, korištenje zaštitne opreme), u kom cilju je potrebno poštovati slijedeće:

1. Na dan održavanja sjednice Skupštine (najmanje 2 sata prije početka sjednice) izvršiti obaveznu dezinfekciju sale 301, u kojoj će se održati sjednica Skupštine, (uključujući sve stolove, stolice, govornicu i druge površine), te provjetravanje navedene prostorije prije i tokom trajanja sjednice, kao i obezbjeđivanje dezinfekcionog sredstva na ulazu u salu 301, (što su dužni obezbijediti i vršiti nadležne osobe Službe za zajedničke poslove), kako bi svi učesnici sjednice prilikom ulaza u salu izvršili dezinfekciju ruku,
2. Svi poslanici/zastupnici Skupštine Kantona će biti dužni da se prilikom ulaza u zgradu, na prijavnici, podvrgnu mjerenju tjelesne temperature, što će vršiti nadležni zaposlenici Službe za zajedničke poslove.
3. Svi poslanici/zastupnici Skupštine Kantona, prilikom ulaska u zgradu Kantona radi dolaska na sjednicu Skupštine dužni su imati ličnu zaštitnu opremu (masku i zaštitne rukavice).
4. Svi poslanici/zastupnici Skupštine Kantona, kao i članovi Vlade Kantona, (od kojih će sjednici prisustvovati samo minimalan broj neophodnih članova: premijer Kantona, ministar Ministarstva finansija ministar Ministarstva za privredu i ministar Ministarstva zdravstva-koji je i šef Kriznog štaba istog ministarstva), kao i drugi učesnici na sjednici (zaposlenici Stručne službe Skupštine i Stručne službe Vlade), moraju na sebi imati ličnu zaštitnu opremu (masku i zaštitne rukavice).
5. Oni poslanici/zastupnici Skupštine Kantona, kao i ostali učesnici sjednice, koji imaju bilo kakvu (i najmanju), sumnju u svoju eventualnu zaraženost korona virusom, (zbog postojanja određenih simptoma ili ranijih kontakata sa osobama koje dolaze iz zaraženih područja i osobama koje su sa njima bili u kontaktu), da ne dolaze na sjednicu Skupštine, a svoje odsustvo su dužni najaviti predsjedavajućem Skupštine.
6. Sjednici ne mogu prisustvovati osobe u svojstvu gosta, što trebaju obezbijediti prisutni policijski službenici.
7. Sjednici Skupštine, u sali 301, neće moći prisustvovati predstavnici sredstava informisanja/medija, kako bi, zbog zaštite zdravlja prisutnih, odnosno primjene epidemioloških mjera i naredbi nadležnih organa, na

sjednici bilo prisutno što manje lica/osoba već će ovlašteni predstavnici Skupštine i Vlade Kantona, ispred sale 301, moći dati izjave i odgovore na pitanja medija.

8. Svi poslanici/zastupnici Skupštine Kantona će u sali 301, (u kojoj će se održati sjednica Skupštine,) sjediti na prethodno označenim mjestima, prema uputama nadležnih zaposlenika Stručne službe Skupštine, između kojih će biti razmak od minimalno 1,5 metra, što se mora poštovati tokom cijele sjednice Skupštine.
9. Svi poslanici/zastupnici Skupštine Kantona će u sali 301, na stolici zateći evidencioni list i obrazac COVID-19, koje su dužni popuniti svojom hemijskom olovkom i na početku sjednice iste ostaviti u označenu kutiju na izlazu iz sale.
10. Tokom cijelog održavanja sjednice Skupštine svi učesnici na sjednici, moraju poštovati mjeru socijalne distance odnosno obaveznog razmaka između osoba od minimalno 1,5 metra, (što znači da ne smiju prilaziti jedni drugima), te korištenje zaštitne opreme, te se ne smiju rukovati.
11. Trajanje sjednice Skupštine što je moguće više skratiti, uz preporuku poslanicima/zastupnicima Skupštine Kantona, da na sjednici ne vrše elaboraciju odgovora na poslanička pitanja i inicijative, te da ne postavljaju nova pitanja i ne pokreću nove inicijative, a ukoliko to ipak budu željeli, iste će moći poslati na e-mail adresu Skupštine: skupstina@zdk.ba te da rasprave o tačkama dnevnog reda budu što kraće. (Podsjećamo da se shodno Poslovniku Skupštine mogu postaviti najviše 2 pitanja i pokrenuti 1 inicijativa).
12. Prije i tokom cijelog održavanja sjednice Skupštine neće biti obezbjeđeno posluživanje toplim napitcima, vodom i sokovima, kao jedna od zaštitnih mjera sprečavanja potencijalno mogućeg izvora zaraze i njenog potencijalno mogućeg prenošenja.
13. Nakon završetka sjednice, prilikom izlaska iz sale, potrebno je držati navedenu fizičku distancu, s tim da prvi iz sale izlaze oni iz zadnjeg reda, pa prema naprijed.
14. Svi učesnici sjednice su lično/osobno odgovorni za pridržavanje mjera predviđenih ovim Protokolom, kao i za eventualne posljedice nepridržavanja istih.

PREDSJEDAVAJUĆI

Čazim Huskić

DOSTAVLJENO:

1 x Naslovu

1 x U spis predmeta **20. (hitne)** sjednice Skupštine/**05-03**